

VENDIM
Nr. 87, datë 7.2.2012

PËR PËRBËRJEN E KËSHILLIT KOMBËTAR TË TERRITORIT

Në mbështetje të nenit 100 të Kushtetutës dhe të nenit 8 të ligjit nr. 10 119, datë 23.4.2009 “Për planifikimin e territorit”, të ndryshuar, me propozimin e Ministrit të Punëve Publike dhe Transportit, Këshilli i Ministrave

VENDOSI:

1. Këshilli Kombëtar i Territorit, si organ vendimmarrës, kryesohet nga Kryeministri dhe ka këtë përbërje:

- | | |
|---|------------------|
| - Ministrin e Punëve Publike dhe Transportit | zëvendëskryetar; |
| - Ministrin e Ekonomisë, Tregtisë dhe Energjetikës | anëtar; |
| - Ministrin e Drejtësisë | anëtar; |
| - Ministrin e Brendshëm | anëtar; |
| - Ministrin e Bujqësisë, Ushqimit dhe Mbrojtjes së Konsumatorit | anëtar; |
| - Ministrin e Turizmit, Kulturës, Rinisë dhe Sporteve | anëtar; |
| - Ministrin e Mjedisit, Pyjeve dhe Administrimit të Ujërave | anëtar; |
| - Zëvendësministrin e Punëve Publike dhe Transportit | |
| që mbulon fushën e planifikimit të territorit | anëtar; |
| - Drejtorin e Përgjithshëm të Agjencisë Kombëtare të Planifikimit të Territorit | sekretar. |

2. Anëtarët e Këshillit Kombëtar të Territorit shpërblehen për çdo pjesëmarrje në mbledhje me 20 000 (njëzet mijë) lekë.

3. Shpërblimi i anëtarëve të Këshillit Kombëtar të Territorit të përballohet nga buxhetet e miratuar për çdo institucion përkatës që ata përfaqësojnë.

4. Brenda 15 ditëve kalendarike nga dita e zhvillimit të mbledhjes, Agjencia Kombëtare e Planifikimit të Territorit (AKPT), zbardh vendimet e KKT-së, të cilat ua dërgon për nënshkrim Ministrit të Punëve Publike dhe Transportit dhe Kryeministrit, me cilësinë e kryetarit të Komitetit.

5. Vendimi nr. 836, datë 3.12.2004 i Këshillit të Ministrave “Për përbërjen, organizimin dhe funksionimin e Këshillit të Rregullimit të Territorit të Republikës së Shqipërisë”, i ndryshuar, shfuqizohet.

6. Ngarkohen të gjitha institucionet, përfaqësuesit e të cilave janë përcaktuar në pikën 1, për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha